

बच्चन के ले बाइबिल
देत है

एक चहीन्तो
लड़िका एक सेबक
बनिगो



द्वारा लिखत: Edward Hughes

द्वारा चित्र: Byron Unger; Lazarus
Alastair Paterson

द्वारा अनुकूल: M. Kerr; Sarah S.

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.


लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



इसहाक बहुत खुश हतो। बाको लड़िका याकूबइ बाके लै सबकुछ हतो। हियाँ तक कि एसाव ने अपने भइया को अतिथि सत्कार करो जिसइ बाने एक दिन मारन की कसम खाई हती। लेकिन याकूब के लड़िका खुश नाई हते क्योंकि युसुफ, उनको छोटे भइया, बाप को बहुत चाहिन्तो हतो।




युसुफ ने जब अपने सपनेन कि बात जब उन लोगन का बताई तब बाके भइया बासे बहुत जादा गुस्सा हुई गए। युसुफ ने कही “कि मेरो पूरा सबसे ऊँचो ठाढो हतो अउरु मेरे भइयन के पूरा मेरे पूरा के सामने सम्मान मा झुके हते।” जा सपने को मतलब जउ हइ कि युसुफ एक दिन अपने भइयन से जादा खास हुई जइही।



युसुफ के दुसरे सपने मा,
सुज्ज, चाँद अउरु तारे बाके
सामने झुके हते। हियाँ तक
कि अपने अम्मा - बाप अउरु
भइयन से अपने आप कौ
ऊपर कन्न के लये बाको बापु
याकूबउ बासे गुस्सा हुई
गओ हतो।



एक दिना याकूब ने युसुफ कौ उसके भइयन के तीर जहाँ बई भेंडन कौ चराउत हते। बाके भइयन ने बाई आउत भौ देखो। अउरु बई आपुस मा खुसुर पुसुर कन्न लगये, “चलऊ जा सपनो देखन बाले कौ मारि डारई।” युसुफ कौ अपने सामने खतरा के बारे मा कछु पता नाई हतो।



बाको सबसे बड़ो भइया रुबेन जा बात के लै राजी नाइ हतो। “बाने कही हम लोगन कौ खून नाइ बहइबो चाहिए। “देखौ, हियाँ “एकु गड्ढा हई। जाई हियाँ मरन के लै छोड़ि देई।” रुबेन ने, संझा होंन पइ युसुफ कौ बचाउन के लै जतनु बनाओ।




जब युसुफ हुआन
पहुँचो, बाके भइयन
ने उसइ एक दम पकरि
लओ, अउरु बाको रंग
बिरंगो खास अंगरखा
जो बाके बाप याकूब ने
अपने चहीते लड़िका के
लै बनबाओ हतो बाई
उतारि लओ। तब उन
लोगन ने युसुफ कौ बा
भयंकर गहिरे गड्ढा मा
डारि दौ।




जब रुबेन हुआन नाई हतो, तबहीं एक ऊटन की कफलिया दूरि मिस्र के लये उनकेइ रत्ता के तीर मां हुई के जाइ रही हती। “उन्ने कही युसुफ कौ हम बेंचि देंई,” बाके भइया यहूदा, रोउन लगो। सउदा पक्को हुई गओ। अउरु उन्ने बीस चांदी के टुकड़न के लै युसुफ कौ बेंचि डारो।



बहुत डरो भौ अउरु दुखी, अउरु असहाय हुई के देखति रहो जब
लड़खड़ात भये ऊंट बाई बाके परिवार से अउरु बाकी मात्र भूमि से
दूरि लइ जान लगे।





“का जऊ युसुफ को अंगरखा
हई? जऊ ता खून से अंदो
हई। अरे हमने जाइ सूनसान
जगह पर पाओ हई।” बाके
दुष्ट भइयन ने अपने बाप
याकूब कौ विश्वासु दिबाउन
के लै गुमरहा कन्न की
कोशति करी कि बाके चहीते
लड़िका कौ जंगली जानबरन
ने मारि डारो हइ। याकूब ने
अपने कपड़ा फारि डारे
अउरु बहुतु जोर जोर से
चिल्लाई के रोऊँन लगो।
अउरु बाई कोई तसल्ली
नाई बंधबाई पाओ।





मिस्र मा, युसुफ ने अपने आप कौ अकेलेपन मा अउरु डरो भौ पाओ। साइति बाई अपने घर की यादि आउति हुइही। लेकिन बउ हुआं से बचि नाइ पाओ। बउ मिस्र मा पोतीपर नाउ के एक खास आदिमी के घर मा नउकरु हतो। पोतीपर ने जऊ देखो कि युसुफ सदा कठिन परिश्रम कत्ति हतो अउरु बाके ऊपर भरोसो करो जाई सकती हतो।




पोतीपर ने युसुफ से एक दिन कही, “तुम जो कुछ कत्त हउ बउ सबु बहुतु बढिया कत्त हउ। परमेश्वर तुमारे संग हई। अब हम तुमइ अपनों खास नौकरु बनइबो चांहत हंइ, अब से तुम मेरे पूरे धन्धा के अउरु सब नउकरन के स्वामी हुइअउ।”



युसुफ कि बजह से परमेश्वर ने
पोतीपर कौ बढिया उपज अउरु
बहुतु तरह तरह कि धन सम्पदा
दर्ई। अब युसुफ एकु बहुतु खास
आदिमी हतो, तहूँ बउ पूरे भरोसे
के संग मा अउरु पूरी तरह से
इमानदारी के संग मा परमेश्वर
की सेवा कत्ति रहो। लेकिन युसुफ
के लै फेरि मुसीबति आई गई।



पोतीपर की दुलहिन एक हरामिन अउरत हती। बाने युसुफ से अपने पति कि जगह लेन के लै कही। युसुफ ने बासे मना करि दर्ई। बउ पोतीपर के खिलाफ कुछु गलत करिके परमेश्वर के बिरुद्ध पाप करिबो नाइ चाहति हतो।





जब बा अउरत ने बाई मजबूर करिबो चाहों तब बउ हुआन से भाजि
गौ। लेकिन बाने बाको अंगरखा छीनि के अपने तीर धरि लौ।



पोतीपर की अउरत ने शिकायति करी, “तुमारे नौकर ने मेरे ऊपर हमला करो हई। देखउ हियाँ बाको अंगरखा हई।” पोतीपर गुस्सा माहतो। हई सकति हई, बाकी अउरत झूठी कहति होई। लेकिन बाई तऊ कछ् करिबेई हतो। बउ का कन्न बालो हतो?



पोतीपर ने युसुफ कौ कैद खाने मा डारि दौ। जबकि बाकी कोई गलती नाइ हती, तबहू युसुफ के मन मा कोई बुराइ अउरु गुस्सा नाइ हती। शायद बउ उन मुशिवतन से सिखि रहो हतो, कि अगर बउ परमेश्वर को आदरु करिही तऊ परमेश्वर बाको आदर करिही, जऊ कुछु मारिने नाइ राखति हई कि बउ कहाँ हतो-बउ चाहें कैद खाने मा क्यों ना होई।



एक चहीन्तो लड़िका एक सेबक बनिगो
परमेश्वर के वच्चन से बाइबिल की एक कहानी
में पायी जाती है

उत्पत्ति 37, उत्पत्ति 39

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

